

D7 Méríbnaszkere Dzsavibja

Ando 1944-dikno bers o komáromiko tábori jek központo sztya, aká ketháne kednahi ole ungrike romen, ako upp' odá uzsarnahi, hogy ando nyimcike lágerja len te lidzsen po roboto. Ole romen először ando megyejikne „cigányike” táborende lidzsnahi, pálal butenge buter sel kilométeri kampja te dzsan gyalog ando Csillageródo Komáromoszte. Odoj ári választingye le mursen taj dzsújen, ako dzsannahi búti te keren, po következőno dzsavibe ando Nyimciko. But dzséne andar odona, akasz Komáromoszte ando tábori mukje, múje andi bok. But dzséne ávera ando méríbnaszkere dzsavibja múje ánde, kana dzsanahi mero Nyimciko Birodalmo. Maskar odona 10 000, akasz ando erődo ikrenahi fogjoszke, csak 4000 dzséne dzsivgye túl.



1974

2015

2006

💡 Dzsannahi odá

... hogy adádíve is báre zalog dzsanasz palo ungriko komáromiko tábori taj pale odoleszkere áldozattya?

... hogy ando dúto világháborúvoszkere utósóne maszeka, aszar o fronto egyre paseder taj paseder avlahi, but lágerendar bicshavnahi manusen pe aszave méríbnaszkere dzsavibja préko ando áver lágerja?

✎ Tumari búti

Szo sztya o lényego le „méríbnaszkere dzsavibenge”? Dzsanen odá, hogy sztye-i „méríbnaszkere dzsavibja” pe tumaro környíko, taj te ója, ká?

📷 Palo kípó

O kípó ando 2006-dikno bers kergyija pe Csillageródoszkero dísztero Komáromoszte. Pálal saj hi te dikhen le tömlöcengero vuder, akija le deportáltne romen ánde csukinkergyje. Szita Szabolcsiszkeró sajátno ketháne kedibe, Pesta, Ungriko.



<https://www.romasintigenocide.eu/romungro/d>